

Муниципальное казенное общеобразовательное
учреждение «Средняя общеобразовательная школа №2»

СОЧИНЕНИЕ

«Наш город Избербаш - юбилляр»



Выполнила ученица 8 «В» класса

Зубайруева Кистаман

Учитель: Ибрагимова З.М.

2020г.

Нушала шагъар Избербаш - юбиляр.

«Пушкин - Тау» дубурла удиб, Каспи урхъула дублаб тӀинтӀбиубли саби жагъси, жагаси, пергерли балкъаурси шагъар-Избербаш. Избербашла гӀямру-хӀякъикъат дехӀдихъибти сари набтла шилизирад. 1936-ибил дусла 12-ибил апрельличиб цаибил набтла чухи (фонтан) дурабухъунсири. Набтра газра халаси давла саби нушала улкала. Илдани нушала шагъар гъалабяхӀ арбукиб ва экономика ункъбияхъуб. БусягӀят шагъарлизир гъалаблагъунти набтла ва газла предприятиеби агара. ИшбархӀи Избербаш бетарули саби берклуми дирнила производства бекӀ шагъарли. Бахъал Россияла халкълис Избербаш гӀяхӀси челябкълал ва жагаси шагъарли бетарули саби. Пергъити чумал дусла бухӀнаб шагъар дебали жагабиубли ва халабаили саби. Шагъарла халкъ кӀинали имцӀабиубли саби. 2006-ибил дуслизиб конкурсличиб Избербашли цаибил мер буцибсири гӀяхӀил гӀеббуцибси, пергерли балкъаурси шагъар биъни багъандан. Избербаш иличибли буули ахӀен, гӀурра чедибдешуни сархес къайгъилизиб саби. Нушала шагъарлизир лер дахъал гӀяжаибти мер-муса. ДуцӀрумла замана нушала шагъарлизи бахъал адапти бамсриихъес башули саби. Каспи урхъула дубани Избербашкадтира духъяндитӀи сари. Мурт хӀеръалра, ил хъанцӀли чебиу. ДягӀ бухъунси замана хъулухъмачилти ругерти гъумличи тӀинтӀдирар. Урхъула шин адатас дармандирар. Илдазиб гъар дус адатани чула арадеш къулайбиру. Шагъарлизиб адатас дармайс пайдаладирути дуцӀарти шинна урунжра леб. АрхӀяли башантани илаб чула арадеш къулайбиру, ункъбиру. ГӀурра шагъарлизир лер сагати юртани, биштӀатала унхъри, чягъирла, къацӀла, ниъла заводуни, радиозавод, декӀар-декӀарти предприятиеби ва организацияби. Халаси бузери кабихъибтазивад сайри нушала шагъарла бекӀ Сулейманов М. В. 1997-ибил дуслизиб Сулейманов шагъарла бекӀ ветаурсири, илхӀели илини дурадуркӀес вехӀихъибсири умудешла билхъни. Шагъар дебали умубиуб, жагабиуб. Халаси хӀеруди декӀарбирули саби шагъарлизиб алавла шинишбирахънилис - галгуби, вава - къар, къадуби удалтнилис. Гъар дус шагъарлизир 11500 галга удалтули сари. Илданира шагъар кегӀебли кабилзахъули саби. Шагъарлизир лер жагадешлис шин лайдикӀлахъути фонтанти (парчикӀуни). Избербашлизир лер: ВатӀан руркънила музей, Дом культуры, библиотека, биштӀатала искусствота школа, спорт-комплекс, ДАГЗЭТО, палтар ибуси фабрика, ГӀямарла Батирайла уличилси Даргала театр ва цархӀилти.

2020-ибил дуслизиб Избербаш акӀубла 70 дус биубли саби. 70 дус дахъал ахӀен диалра, нушала шагъарла сунела историядарих леб. Шагъарла адатани гӀяхӀти гӀядатуни дузахъули сари, масала, халатала хӀурматбирнила, гӀяхӀялдешла, алхунтачила хъумхӀертнила. Шагъар жагабирути бахъал адаптира леб. Илдада халати гъабзадеш чихъти ламус -яхӀ лер.

Ишдус 75 дус дикили сари нушала ВатІай чедибдеш сархила. ГІярмияли нушала ВатІан, нушала дазурби душмантази далтахъу. Илини душмантазирада дахъал чедибдешуни сархиб . Фашистунас нушала улка агарбарес, лебил дунъя сархес дигулри. ВатІа ялчнира хъубзурира лугъри барес дигулри. Фашистунани дахъал шими, шагъурти дуциб ва дуун. Немец гъармукабачи къаршиси дергълизиб лебилра хакъли бутІакъяндеш дариб. Залумли бургъи нушала солдатуни. ГІярмияли нушала улка азадбатур ва идала бекІлибиубси шагъар - Берлин буциб. 9-ибил Майла бархІи нушала ВатІайс бегІла ахІерси бархІи саби. Избербашлизибад 700-личибра имціали адамтани дургъбазир бутІакъяндеш дариб. Бахъалгъунти чархІебухъун, чула гъабзадеш, яхІ-ламус чедаахъили, дергъла майдайчиб алхун . БусягІят шагъарлизиб калунти илди дебали камли саби. Гъар дус илдани жагътала ургаб багъудилашал , бяркълашал , ВатІайчи диги адилкънила халаси хІянчи дурабуркІу.

Нушала шагъарлизир лер дахъал жура-журала бузерила, бяркъла, багъудила учреждениеби (организацияби). БусягІят шагъарлизир лер 7 багъуди кайснила школаби. Илдазирд 3 школани Президентла грантуни сархиб. Гъар дус бучІантани олимпиадабачир бутІакъяндеш дирули сари, чедибдешуни сархули сари. Школа таманбарили гІергъира, илдани чула цаибти учительти хъумхІерту . Шагъарлизир лер 11 биштІатала унхъри. Гъарил анхъли декІар-декІарти гІяхІти хІянчурби дурадуркІули сари . Гъарилла саби - бегІси бяхІчибиз, буцибси гъуни леб . Илдани бяркълашал ва багъудилашал духути дурхІни бетарахъули саби. Интернатуназиб ра дурхІни бучІахъули гІяхІти специалистуни бузули саби. Избербашлизир лер ДГУ-ла, ДГПУ-ла, радиотехникумла филиалти ПТУ, педколледж. 1975-ибил дусличибад бехІбихъибсири бузес педучилище . Илар лер хІябал отделение. 167 мугІяллимли бучІахъули саби илаб студентуни. Бахъалгъунти гІяхІти, чебяхІси категорияла преподавательти саби. ДекІар-декІарти шимазибад башули саби шагъарлизиб багъуди касес дурхІни ва рурсби. Республикала конкурсуначиб гІяхІти кыматуни, чедибдешуни сархили чарбулхъули саби нушала студентуни. Ил колледжлизибад жура-журала санигІятуначил бегІбиубли выпускникуни дурабулхъули саби.

Нушала шагъар бетаурхІели, декІар-декІарти мераначибад санигІятла адамти башесбяхІиб. ИлхІели гІягІнидеш акІуб вегІла арадеш къулайбирниличи пикри бяхІчииз . 1937-ибил дуслизиб акІахъуб цаибил арадеш мяхІкамбируси пункт .ИшбархІила замана арадеш мяхІкамбирнила кумеклис шагъарлизир дузули сари халатала, биштІатала, цулбала поликлиникаби. ХІябал бригадаличилси скорая помощь (къалабаси кумек) дуги-хІери бузули саби. Сагали кайибси шагъарла бекІли сагаси больница даимбирули сай .

Больница (азархана) дахъал сагати медицинала ваяхІличил, гІягІниахълумачил балкъаахъурли саби; декІар-декІарти аппаратуначил гІеббуцили саби.

Болъницализив бекІдеш дирули сай Дагъиста урибси тухтур Муслимовли М.И. Илаб бузути бахъалгъунти тухтурти хІурматла лишантачил шабагъатлабарили саби .

Халаси пикри бяхІчиниули саби нушала шагъарлизиб жагътачи, челябкъуси наслуличи. Гъар дус илдала ургар дурадуркІули сари ихтилатуни: бяркълашалти ; багъудилашалти; ВатІан балтахънила; бегІти-тухумличи диги адилкънила; адаб -хІаяла; гІядлу-зегъала; тІабигІят мяхІкамбирнила. Жагъти хатІурбазибад мяхІкамбарес багъандан; дурадуркІули сари жура-журала шадли замана буркІути балбуцуни ;шадлихъуни . Шагъарлизиб леб бахъал хабардерхурти спортсменгира. Илдани шагъар гъалабяхІ бикули саби; илдачи пахрубирули саби. Дурала улкназибад гъар мурталра чедибдешуни сархили; нушала спортсменти чарбулхъули саби .

Избербаш- бегІла гІяхІси шагъар саби ванзаличиб. Чина рукъяслира гъар даим уркІи хъули гъуцІбикІар-ил дила ВатІан саби. Ишар ардякъун дила дурхІядеш. Лерилра дила гІямрула гъанбикуни дархдасунти сари Избербашличил. Чумал дусла бухІнаб шагъар дебали барсбиуб; жагабиуб. Нушаб дигахъехІе Избербаш гІяхІил гІеббуцибси; лерилра ункъдешлуми лерси; пергерли балкъаурси шагъар биъни багъандан . МяхІкамбарая нушала ВАТІАН -ИЗБЕРБАШ !